

王文端公尺牘

王文端公尺牘卷之二

山陰對南王家

定襄門人傅新德校

啓

賀任正字侍御監臨

仰惟臺下文章宗匠綱紀清班攬轡荆襄提衡鎖院
肅僚貞度威稜飛繡斧之霜顙俊蒐奇識鑑徹氷堂
之月矢公矢脊謹擇可者于闈中某賢某良籍而獻
之於闕下惟善爲寶信楚國之多材以禮爲羅慶明
廷之得士詎惟桃李之植出自公門將同茅茹之升

光於泰道肅茲附賀不盡瞻馳

賀徐文江督學京畿

學校教化之原師模甚重邦畿首善之地功令居先是惟臺下表正人倫望素隆於山斗提衡才品鑒不爽於秋毫共推吾道之南車宜主斯文之正印都人凜凜向遵綱紀之猷髦士彬彬今沐陶鎔之澤榮疏宸綍喜動僊輶敬託魚緘恭抒燕賀有懷慶祉不盡瞻依

賀陳愚所侍御起官

蓋聞祥金不躍更百鍊以彌清神駿從淹蹇十駕而

曾遠仰惟臺下嶽鍾異質器居鼎呂之間天賦奇才
品出驪黃之外觀風代北氣欲吞胡按節滇南志將
紫粵買生蚤見豫據表餌之謀諸葛重來仍講縱擒
之術而智策愚決一傳衆咻棄卜璞而弟珍詆魏瓠
爲難用陸沉旣久孤直彌疎滯下惠於小官出長理
於外郡本緣譏口遂挑投杼之疑不至焦頭寧悟往
薪之計天勝人而始定雪見覲以都消有來飛鳥之
儀特奉賜環之召名高題柱夙當上心班近含香允
孚人望某忝叨舊部與庇洪庥大厦實賴於幬幪隆
棟匪資於推挽謬承藉選良用悚慙附賀因不盡

延佇

謝杜衍臺侍御垂省

粉榆陋壤沮洳荒郊自頃十二三年每歲有水旱蟲
蝗之患綿亘千數百里所至聞咨嗟愁嘆之聲民生
感而流徙相仍宗姓蔣而恣睢莫制富庶靡徵於晉
問憂勤久替乎唐風幸徼河嶽之靈獲藉斗山之望
被繡衣而直指占紫氣於西來綱紀文章聊出經邦
之緒謨謀議論漸抒環闕之獻聲光初接於照臨耳
目頓新於視聽爲蘭絲爲保障詎止圖尹鐸之功若
禮樂若刑章會且纘臯夔之烈不佞忝依下吏濫廁

編氓阻脩燕賀之忱特枉鴻儀之賁拜嘉知寵稠集
殊慙肅附謝槭并申微悃伏希炤納曷任瞻馳

謝吳安節侍御垂省

某不才主棄多病交疎休閒與偃蹇相成懶慢以
離得遂驚駘仄阪幸紆九折之艱調鸞深林詎乏一
枝之適顧小人或說以忘罪而孤臣獨苦于操心天
尚未回良懼慘舒之莫測時方多故敢付理亂于不
聞去魏闕者十年抱杞憂如一日賴正人之旣入舉
善類以知歸朝廷得李勉而始尊州郡憚張綱而頓
肅世共欽其風采謂有動搖山嶽之威愚更偉其聲

猷將是旋轉乾坤之會第緣朽廢絕音耗於長安詎
意慈存緝使華于空谷爛矣筐篚之實賁荒穢以知
榮藹焉簪履之情撫衰頽而轉惕夙恩莫報荷顧復
之彌殷游息僅存悲捐糜之旣晚恭抒謝悃附布候
忱願珍重於起居用燮調乎俞咈倘薄緣未畢及觀
象於泰階庶餘潤所霑獲舒顏於解澤伏惟垂省無
任懸馳

謝袁鶴野侍御垂省

仰惟公祖臺下承家太學命世高才綰組名城茂著
循良之績戢冠法禁咸推譽謬之聲肆持斧省方彰

輝激揚寬猛壹依于憲體乃乘輅問俗諏謀詢度休
戚洞悉乎民情日照月臨并冀之陰氛淨掃風壺雨
潤河汾之元氣潛回不圖用武之區獲被惠文之化
如某偃蹇久甘放佚于長林猥荷仁慈特垂眄矚於
舊物華賤溢美允惟式玉式金鼎祝申頒曷啻繼粟
繼肉鏡天光於奧窔發病目以開明賁春色於沉淪
慰衰顏而欣鬯噓枯吹朽極知天造之心保未持終
何有歲寒之節叨承過侈愧負殊深敬拜使以登嘉
肅械書而附謝酬知無地徒懷不報之恩佑德自天
願迂大來之慶良厯頌禱不盡瞻馳

謝徐振雅侍御垂省

仰惟臺下鼎衡夙望黼藻英猷一角神羊抗霜稜於
柱下九苞威鳳振韶律于臺端立朝而正直兼忠厚
之風按部而貞肅得將明之體自中外共欽其符采
卽幽遐懸想其聲華不圖戎馬之區獲藉絳騶之重
度嚴關而北輶車麗日月以增輝亘恒嶽以西斧纒
賁山川而動色某仰大觀之在上良慶遭逢負嚴謹
以休陰敢希臨照猥承折節特垂下濟之光肅此循
階聊假依歸之地僅盛無實禮自愧于荒疎鹽薦有
孚意或原其明信懇祈涵納曷任瞻依

謝黃雲蛟侍御垂省

某兩間棄物一壑餘生木槁灰寒不齒冠裳之列日
臨月照適依斧繡之光薄緣目慶其遭逢曠典亟承
於問餽古心古道未方軫舊之情下愚下流總玷作
新之化賴大觀之在上貞憲度以無前風裁獨持凜
凜奪豺狼之氣星輅所指罄罄絕鴻鴈之聲民艱與
商困交紆國計及軍需並裕方幸虞絃之奏遽聞公
袞之歸出使再臨珍儀申錫損駢蕃之異渥敢不登
嘉撫依怙之微悰其如悵惻肅陳謝悃附布菲忱明
德遺思可恨雲泥之永隔嘉謨入告庶開天日以重

八
卷之二
輝所願珍調易勝願佇

賀萬涵臺方伯兼謝垂省

某向廁禁垣忝私氣誼固冀勉分猷念共佐休明而
用世非才致君無術祗因冊儲之議有失阿承遂罹
目上之愆致干鱣斧巖栖穴伏惟影響之不幽日照
月臨豈夢魂之敢覲猥徵天幸台光直參井之分利
見大人鼎重作河山之鎮總十連而有帥吉叶師中
受一塵以爲珉懼騰部下如某朽憊倍慶遭逢第慙
不肖之踪有玷維新之治阻脩竿牘此逡巡乃辱
書使賁臨珍儀駢錫飾青黃於棄斷被宮徵於焦桐

情溢乎詞良荷軫存之厚寵違其質庸知愧負之深
僭附菲儀少申慙竊冀惟炤納曷任瞻依

賀盛弼泉方伯兼拔候

伏念戎馬之鄉久屈節旄之重經營數載備聞忠猷
綏輯多方需宜閭澤措生靈於衽席奠疆圉如覆盂
方欣大厦之容會拜介藩之命謬期借寇公於河內
可卽允留何圖分召伯以周南特尊簡任皇華原隰
佇觀使節之馳紫氣關門預卜仙幢之過轄十連而
爲帥總領諸侯悵一路之遺氓若違父母攀轅莫遂
戀袞徒殷敢庀篚篚兼備邊豆儻蒙莞納不鄙夷燕

賀之悰兼許惠臨獲快親鴻達之羽庶少抒其繾綣
可俯慰其翹延

賀張覺自憲使兼謝頒脣餉歲

伏以粉署風清暫輟尚書之直烏臺霜肅遙分節使
之華候應大來道欣下濟仰惟臺下嶽鍾純淑天挺
瑰琦月璧星珠絢文章之經緯冰壺水鑑融道器以
澄涵羽儀蚤漸於鴻達譽望積孚於鷄省肆膺宸眷
擢拜監司攬六轡以省方法象麗井參之分明五刑
而弼教仁風播晉冀之墟士女見休官師顧化在某
朽億倍幸遭逢祗緣委頓於巖阿未敢聞名於左右

蟬冠鷹服具嚴觀察之新儀
鴈塞臨沙尚按旬宣之舊部
瞻依孔邇欣戴惟均
允也人頌而天從寧止家
謳而戶頌某浹沾慈渥倍切
惟悰託大厦以栖身永
獲併懷之庇仰台階而引領
佇需鼎鉉之升跡莫遂
於鳬趨意少將於燕賀伏希
鑒納為任神馳

賀王懷源州守被薦

大以千里分符獨懸專城之績
兩臺推轂並旌良牧之猷
賢名蜚燭於楓宸喜氣鬱葱於
節屋仰惟臺下
嶽鍾間氣天挺
勳標文續西秦
兩漢之雄道負
北斗
泰山之重駕倅
車于益部尚攜
琴鶴之清風紆
郡轍

於雲州不厭釜魚之冷署理公事如家務華華手振
刷而百廢皆興引民瘼爲己事句句馬喚咻而才道
再造汰浮淫之供億費有常經罷棘蔓之追呼獄無
滯繫疏河渠而導灌溉之利變駟鹵爲桑田築關城
以弘保障之圖葺綢繆于偏戶催科寧拙耻敲扑以
樹蠶厲之威勸學惟先躬訓課而洽文明之化政平
公理自長吏守宰莫擬其廉能實大聲公肆督府撫
臺咸推其卓異連章交薦煌煌逾華袞之褒拜表輒
聞纓纓頓前旄之驕忠而見察公將執掌以忘勞善
罔遐遺時不回心而嚮道隼旗能軼寵增二千石之

威儀龍首鳳門惟動億萬人之顏色其忝依庥庇與
藉榮光枳棘鸞棲鳳掩朝陽之采斐蕭燕喜欣觀零
露之涓跡雖阻於登堂情特殷於賀厦敬脩竿牘肅
布篚簋尚祈鑒察不勝榮幸

賀關明吾縣尹考績

邊胡搶攘之鄉麗郡衝繁之邑自淹銅墨勞猷已及
於三年人盡絃歌治效大行於百里最書入奏課居
漢循吏之前慶典行頒寵在晉唐侯之右朝陽瑞鳳
鳴高岡以惟時出谷新鸞遶喬木其非遠徵車且至
宴綈懸于清光賀篚未將徒欣欣之喜色猥承慈臨